

ერთის მხრივ სააქციო საზოგადოება „ტუბერკულოზისა და ფილტვის დავადებათა ეროვნული ცენტრი“ (შემდგომში „შემსყიდველი“), წარმოდგენილი მისი აღმასრულებელი დირექტორის ზაზა ავალიანის სახით და მეორეს მხრივ, შპს „სოკარ ჯორჯია პეტროლეუმი“ შემდგომში - „მიმწოდებელი“, წარმოდგენილი შპს „სოკარ ჯორჯია პეტროლეუმი“-ს მინდობილი პირის სოფიო ფირცხალავას (პ/501008028640, თანახმად 05.04.2017 წლის მინდობილობისა ინდ.#42311498084915, რეგ.#170354649) სახით,სახელმწიფო შესყიდვების შესახებ” საქართველოს კანონისა და “გამარტივებული შესყიდვის, 2015 წლის 17 აგვისტოს #13 ბრძანების საფუძველზე ვდებთ წინამდებარე ხელშეკრულებას შემდეგზე:

1. ხელშეკრულების შესყიდვის ობიექტი

- 1.1 ხელშეკრულების (შესყიდვის) ობიექტია: პროდუქტების გადასაზიდი CPV 60100000 - საავტომობილო ტრანსპორტის მომსახურებები: CPV60180000 - სატრანსპორტო საშუალებების დაქირავება მძღოლთან ერთად
- 1.2 მომსახურების/საქონლის ზუსტი აღწერილობა: 3370 (სამიათას სამას სამოცდაათი) ლიტრი დიზელის საწვავის (დიზელი L-62 არაუმეტეს 150 PPM) ტრანსპორტირება შპს „სოკარ ჯორჯია პეტროლეუმი“-ს ნავთობაზიდან ქ. თბილისი, ალექსეევის დასახლება, ქიზიყის ქუჩა # 19-21-23, შემსყიდველის ფაქტიურ მისამართზე ქ. თბილისი, აჭარის ქ. #8. კონსოლიდირებული ტენდერის პირობების შესაბამისად (კონსოლიდირებული ტენდერი №CON160000060)

2. ხელშეკრულების საფუძველი

- 2.1. „სახელმწიფო შესყიდვების შესახებ“ საქართველოს კანონი.
- 2.2 “გამარტივებული შესყიდვის, 2015 წლის 17 აგვისტოს #13 ბრძანების საფუძველი.

3. ხელშეკრულების ღირებულება

- 3.1. ხელშეკრულების ზღვრული ღირებულება შეადგენს 101.10 (ასერთი ლარი და 10 თეთრი) ლარს.
- 3.2. ერთი ლიტრი საქონლის გადაზიდვის ღირებულება განისაზღვრება 0,03ლ (0,03ლარიX3370ლიტრზე=101,10ლარი.

4. ხელშეკრულების კონტროლი

- 4.1 ხელშეკრულების შესრულების კონტროლს განახორციელებს - „შემსყიდველის“ სახელმწიფო შესყიდვების ხელშეკრულებების შესრულების კონტროლის ჯგუფი, რომელიც წარმოქმნილი საჭიროებიდან გამომდინარე, განახორციელებს ინსპექტირებას, რაც გულისხმობს ხელშეკრულების პირობების შესრულების კონტროლს.

5. შესყიდვის ობიექტის ხარისხი

- 5.1. „საქონლის/მომსახურების“ მოწოდების პროცესში კომპანია უზრუნველყოფს კანონით დადგენილი წესების დაცვით ცირტის ტრანსპორტირებას.

6. შესყიდვის ობიექტის მიწოდების პირობები, ადგილი და ვადები

- 6.1.„საქონლის/მომსახურების“ მომსახურება განხორციელდება ხელშეკრულების გაფორმებიდან 5 სამუშაო დღის ვადაში. საქონლის მოწოდებას განახორციელებს მომწოდებელი: ავტოსატრანსპორტო საშუალების მონაცემები რომლითაც განხორციელდება საქონლის მოწოდება: „SCANIA“ – capacity - 22220 L; სახ # – RB-374-BR
- 6.2.„საქონლის“ მიწოდების ადგილია ქ. თბილისი აჭარის ქ #8.
- 6.3 მომსახურების გაწევის შესახებ შემსრულებელს ეცნობება ელექტრონული ფოსტით და კომუნიკაციის სხვა საშუალებით,რის შემდეგადაც მოსახურების გაწევა შემსრულებელმა უნდა უზრუნველყოს ხელშეკრულებით დადგენილ ვადაში.

7. შესყიდვის ობიექტის მიღება-ჩაბარების წესი

- 7.1. „მომსახურების“ გაწევის დასრულების შემდგომ ფორმდება მიღება-ჩაბარების აქტი.
- 7.2. მიღება-ჩაბარების წინ განხორციელდება მომსახურების შესრულების ინსპექტირება, რომელსაც განახორციელებს შემსყიდველი ორგანიზაციის მიერ სპეციალურად შექმნილი ინსპექტირების ჯგუფი.
- 7.3. მიღება-ჩაბარების აქტებს შემსყიდველის მხრიდან ხელს აწერს სათანადოდ უფლებამოსილი წარმომადგენელი, ხოლო მიმწოდებლის მხრიდან მის მიერ უფლებამოსილი პირი.
- 7.4. შესყიდვის ობიექტის მიღება-ჩაბარებისათვის შემსრულებელმა, უნდა წარმოადგინოს შესაბამისი ანგარიშ-ფაქტურა/ინვოისი, ერთეულის ფასის და საერთო ღირებულების მითითებით.

7.5. მიმწოდებელმა უნდა უზრუნველყოს შემსყიდველისათვის 7.4. პუნქტში მითითებული დოკუმენტაციის წარდგენა მომსახურების გაწევისთანავე. პასუხისმგებლობა შემსყიდველის მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯებისათვის ეკისრება შემსრულებელს.

7.6. მომსახურების გაწევის დროს გამოვლენილი დეფექტისა და ნაკლის აღმოფხვრასაკუთარი ხარჯებით უზრუნველყოფს „შემსრულებელი“.

7.7. იმ შემთხვევაში, თუ „შემსყიდველის“ მიერ საბოლოო შემოწმების შედეგად გამოვლენილი იქნება რაიმე უხარისხობა, იგი წერილობით ან კომუნიკაციის სხვა საშუალებით აცნობებს „შემსრულებელს“ წუნდების მიზეზების მითითებით და მოითხოვს წუნის აღმოფხვრას.

8. ანგარიშსწორების წესი, ფორმა და ვადები

8.1. ანგარიშსწორების ფორმა იქნება: უნაღდო ანგარიშსწორება შემსრულებლის საბანკო ანგარიშზე მე-6 მუხლის 6.1-პუნქტის შესაბამისად, მიღება-ჩაბარების აქტის გაფორმებიდან არაუგვიანეს 5 სამუშაოდღისა.

8.2. ანგარიშსწორების განხორციელებისათვის შემსრულებელმა უნდა წარმოადგინოს შემდეგი დოკუმენტები: ანგარიშგაქტურა/ინვოისი ერთეულის ფასის და საერთო ღირებულების მითითებით.

8.3. ანგარიშსწორება განხორციელდება ლარებში.

9. მხარეთა უფლება-მოვალეობები

9.1. „შემსყიდველი“ ვალდებულია:

9.1.1. აცნობოს „შემსრულებელს“ ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.

9.2. „შემსრულებელი“ ვალდებულია:

9.2.1 განახორციელოს „შემსყიდველისათვის“ მომსახურება, რომელიც სრულად შეესაბამება „შემსყიდველის“ დაკვეთას.

9.2.2 დროულად შეასრულოს ხელშეკრულებით ნაკისრი ყველა ვალდებულებანი.

9.3 „შემსყიდველი“ უფლებამოსილია:

9.3.1 მოითხოვოს „შემსრულებლისაგან“ ხელშეკრულების ყველა პუნქტის აუცილებელი შესრულება, შემსყიდველი ასევე იტოვებ უფლებას შემსრულებლის მომსახურების პირობების გაუარესების გამო შეწყვიტოს ხელშეკრულება წერილობითი შეტყობინების საფუძველზე თუ საფრთხე ექმნება ცენტრის გამართულად ფუნქციონირებას და პაციენტთა მკურნალობას.

9.3.2 უარი განაცხადოს ხელშეკრულების პირობების შესრულებაზე იმ შემთხვევაში, თუ „შემსრულებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგენა დაუძლეველი ძალა.

9.3.3. არ სცნოს „შემსრულებლის“ არცერთი ვალდებულება, რომელიც არაა განსაზღვრული ამ ხელშეკრულებით.

9.3.4 მოითხოვოს „შემსრულებლისაგან“ რეალური ზარალის ანაზღაურება, რაც გამოწვეული იქნება მისი მხრიდან ამ ხელშეკრულების პირობების დარღვევის გამო..

9.3.5 ხელშეკრულების პირობების გაუარესების შემთხვევაში წერილობით შეტყობინების საფუძველზე შეწყვიტოს ხელშეკრულება.

9.4 „შემსრულებელი“ უფლებამოსილია:

9.4.1 მოითხოვოს „შემსყიდველისაგან“ მის მიერ გაწეული მომსახურების ღირებულების სრული ანაზღაურება.

9.4.2. განაცხადოს უარი ხელშეკრულების შესრულებაზე ან მის გაგრძელებაზე, თუ „შემსყიდველის“ მიერ სახელშეკრულებო პირობების შეუსრულებლობის გამო მისთვის შეუძლებელი გახდება მომსახურების გაწევა ან მის წინაშე დადგა დაუძლეველი ძალა.

9.4.3. აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის.

9.4.3. მიმართოს სასამართლოს ან სხვა ორგანოებს „შემსყიდველის“ მიერ ხელშეკრულების პირობების დარღვევის გამო.

9.4.4. მოითხოვოს „შემსყიდველისაგან“ რეალური ზარალის ანაზღაურება, რაც გამოიწვია მისი მხრიდან ამ ხელშეკრულების პირობების დარღვევამ.

10. მხარეთა პასუხისმგებლობა ხელშეკრულების პირობების დარღვევისათვის

10.1. მხარეები სრულად იღებენ პასუხისმგებლობას ხელშეკრულების სრული და უპირობო შესრულებისათვის.

10.2. მხარეები სრულად იღებენ პასუხისმგებლობას მოახდინონ მიყენებული რეალური ზარალის ანაზღაურება, რომელსაც ექნება შესაბამისი დადასტურება.

10.3. „შემსრულებლის“ პასუხისმგებლობა, ხელშეკრულების პირობათა დარღვევის შემთხვევაში, ვრცელდება არა მომსახურების გაწევის ფარგლებში ფარგლებში, არამედ „შემსყიდველისათვის“ იმ დანახარჯების ანაზღაურებით, რაც აუცილებელია ხელშეკრულების პირობების შესრულებისათვის.

10.4. ხელშეკრულების პირობების ცალმხრივი შეუსრულებლობა მხარეთა შორის დადებული შეთანხმების გარეშე, განურჩევლად მისი ობიექტური მიზეზისა გამოიწვევს საჯარიმო სანქციებს.

- 10.5. ხელშეკრულების მთლიანი ან ნაწილობრივი შეწყვეტა მხარეთა მიერ წერილობით შეტყობინების გარეშე დაუშვებელია. შეტყობინება მიღებულად ჩაითვლება მისი გაგზავნისთანავე.
- 10.6. საჯარიმო სანქციების გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან.
- 10.7. „შემსყიდველს“ შეუძლია მთლიანად ან ნაწილობრივ შეწყვიტოს ხელშეკრულება:
- 10.7.1. „შემსრულებლის“ მიერ ვალდებულებების შეუსრულებლობის გამო წერილობითი შეტყობინების შემდეგ. (წერილობითი შეტყობინება მიღებულად ჩაითვლება მისი გაგზავნისთანავე).
- 10.7.2. თუ „მიმწოდებელს“ ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია მიაწოდოს „საქონელი“.
- 10.8. ხელშეკრულების ცალკეული პირობების მოქმედების შეწყვეტა არ ათავისუფლებს „შემსრულებელს“ დანარჩენი ვალდებულებების შესრულებისაგან.
- 10.9. „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ:
- 10.9.1. თუ ხელშეკრულების შესრულების გაგრძელება მიზანშეუწონელია „შემსყიდველის“ ფინანსური ინტერესებიდან გამომდინარე.
- 10.9.2. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 10.9.3. „შემსრულებლის“ გაკოტრების შემთხვევაში.

11. პირგასამტეხლო

- 11.1. ხელშეკრულებით განსაზღვრული ვადების გადაცდენის შემთხვევაში შემსრულებელს ეკისრება პირგასამტეხლოს გადახდა ყოველ ვადაგადაცილებულ დღეზე გაანგარიშებით ხელშეკრულების ღირებულების 0,02%-ის ოდენობით.
- 11.2. იმ შემთხვევაში, თუ პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს შემსყიდველს უფლება აქვს ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება.
- 11.3. საჯარიმო სანქციების გადახდა არ ათავისუფლებს მომწოდებელს ძირითადი ვალდებულებების შესრულებისაგან.
- 11.4. შემსრულებელი ვალდებულია იღებს უზრუნველყოს პირგასამტეხლოს თანხის გადახდა წერილობითი შეტყობინების მიღებიდან 10 (ათი) დღის განმავლობაში. ან წერილობით დაადასტუროს ანგარიშსწორების პერიოდისათვის მისი გამოკლება.

12. დაუძლეველი ძალის მოქმედება

- 12.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი.
- 12.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაუღალახვ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „შემსრულებლის“ შეცდომებსა და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას საბრძოლო მოქმედებებით, წყალდიდობით, ეპიდემიით, კარანტინით, და სხვა მასთან გათანაბრებული მოვლენებით. რომელსაც ცნობენ მხარეები.
- 12.3. დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება აღწერილობით გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი გარემოებების ზეგავლენისაგან.
- 12.4. დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

13. სადავო საკითხების გადაწყვეტა

- 13.1. „შემსყიდველმა“ და „შემსრულებელმა“ უნდა იხმაროს ყველა ღონე, რათა მათ შორის, ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.
- 13.2. თუ „შემსყიდველი“ და „შემსრულებელი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს არაუგვიანეს 5 სამუშაო დღისა.

14. გამოსაყენებელი სამართალი

14.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. ხელშეკრულების ენა

15.1. ხელშეკრულების ენაა ქართული. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შესაბამებოდეს სახელშეკრულებო პირობებს.

16. ურთიერთობა მხარეებს შორის

16.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული ფოსტის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

16.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

17. ხელშეკრულების სხვა პირობები

17.1. ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შესწორებით და ფორმდება ხელშეკრულების დანამატის სახით, რომელიც წარმოადგენს ხელშეკრულების განუყოფელ ნაწილს.

17.2. „შემსრულებელს“ არ აქვს უფლება „შემსყიდველის“ წერილობითი თანხმობის გარეშე მოახდინოს მესამე პირისათვის უფლებების გადაცემა.

17.3. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსით განსაზღვრული შემთხვევებისა.

17.4. ხელშეკრულების შესრულების შეფერხების შემთხვევაში მხარეები დაუყოვნებლივ წერილობით აცხობინებენ ერთმანეთს და ღებულობენ ერთობლივ გადაწყვეტილებას.

18. ხელშეკრულების მოქმედების ვადა

18.1. ხელშეკრულება ძალაში შედის ხელმოწერის დღიდან და მოქმედებს 2018 წლის 20 იანვრამდე.

18.2. ხელშეკრულების მოქმედების ვადებში ცვლილება შესაძლებელია მხოლოდ მხარეთა ურთიერთშეთანხმებით.

18.3. ურთიერთობა მხარეებს შორის წყდება მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

19. განსაკუთრებული შენიშვნები


19.1. ხელშეკრულება დგება სამ თანაბარძალოვან ეგზემპლარად, საიდანაც ერთი ეგზემპლარი გადაეცემა „შემსრულებელს“, ხოლო ორი რჩება „შემსყიდველს“.

„შემსყიდველი“ „შემსრულებელი“

სს „ტუბერკულოზისადაფილტვის
დაავადებათაეროვნული ცენტრი“
იურიდიულიმისამართი:ქ.თბილისი,
მარუაშვილისქ.№ 50
საიდენტიფიკაციოკოდი: 202172139
ბანკი: სს „თიბისიბანკი“-ს/ვ
ბანკისკოდი: TBCBGE22
ანგარიშის №GE88TB0600000035467994

შპს „სოკარ ჯორჯია პეტროლეუმი“
მის.: ქ.თბილისი, 300 არაგველის 24
საიდენტიფიკაციო კოდი:202352514
საბანკო რეკვიზიტები: სს „საქართველოს
ბანკის“
ცენტრალური ფილიალი
ბანკის კოდი:BAGAGE22
ანგარიშის ნომერი:
GE02BG0000000233446600
ტელ.: 249 97 57

ადმასრულებელი დირექტორი
ზაზა ავალიანი



შპს „სოკარ ჯორჯია პეტროლეუმი“-
მინდობილი პირი
სოფიო ფირცხალავა



Handwritten signatures in blue ink at the bottom of the page.



ხელწერილი ინტერესთა კონფლიქტის არარსებობის შესახებ

18 დეკემბერი 2017 წელი

ქვემოთ ხელისმომწერი ვადასტურებ, რომ „სახელმწიფო შესყიდვების შესახებ“ საქართველოს კანონის მე-8 მუხლის თანახმად, შპს სოკარ ჯორჯია პეტროლეუმთან ინტერესთა კონფლიქტში არ ვიმყოფებით (18.12.2017წ. #198/1/17 ხელშეკრულება, CPV60100000 - საავტომობილო ტრანსპორტის მომსახურებები, CPV60180000 - სატრანსპორტო საშუალებების დაქირავება მძღოლთან ერთად).

ზ. ავალიანი

ი. ჭყვიძლე

რ. სახვაძე

ა. ჩოხელი

